



KOMUNIKADO PA PRENSA

Fecha

14 febrüari 2016

MINISTER SUZY CAMELIA DI BISHITA NA INTERNATIONAL MARITIME ORGANIZATION

PA POR MODERNISÁ LEGISLASHON, MANEHO I STRUKTURA DI NOS SEKTOR MARÍTIMO

Willemstad – Minister enkargá ku Tráfiko, Transporte i Planifikashon Urbano (mihó konosí komo VVRP), sra. Suzy Camelia-Römer, lo hasi un bishita di trabou na International Maritime Organization (IMO) dia 15 pa 18 di febrüari próksimo.

IMO ta un organisashon spesialisá di Nashonnan Uní ku ta eksperto den asuntunon marítimo i na kua mundialmente tin 171 pais afiliá. E meta di e bishita di Minister Camelia-Römer ta pa yega na palabrashon konkreto tokante asistensha tékniko pa Kòrsou por modernisá su legislashon (leinan), maneho i struktura gubernamental pa asina aselerá desaroyo di sektor marítimo den nos pais. Ta rekonosé e sektor aki Internashonalmente pa su potensia ekonómiko en general i tambe su potensia pa kuponan di trabou en partikular.

Kòrsou, komo parti di Reino Hulandes, ta miembro di IMO for di 1949. E sede di IMO ta keda na Londres, Inglatera. Minister Camelia-Römer lo reuní entre otro ku Sekretario General di IMO, sr. Kitack Lim i ku e direktor di Divishon di Kooperashon Tékniko, sr. Nicolaos Charalambous.

Pa mas informashon di tur e desaroyonan rondó di Minister Camelia-Römer su akshonnan por bishitá e pagina di facebook “Minister Suzy Camelia-Romer”.